



PARLIMEN MALAYSIA



RANG UNDANG-UNDANG
Pemberipinjam Wang (Pindaan) 1987
DR.30/1987

RANG UNDANG-UNDANG

b e r n a m a

Suatu Akta untuk meminda Ordinan Pemberipinjam Wang 1951.

[]

MAKA INILAH DIPERBUAT UNDANG-UNDANG oleh Duli Yang Maha Mulia Seri Paduka Baginda Yang di-Pertuan Agong dengan nasihat dan persetujuan Dewan Negara dan Dewan Rakyat yang bersidang dalam Parlimen, dan dengan kuasa daripadanya, seperti berikut:

1. Akta ini bolehlah dinamakan Akta Pemberipinjam Wang (Pindaan) 1987.

Tajuk ringkas.

2. Perenggan (e) takrif “moneylender” dalam seksyen 2 Ordinan Pemberipinjam Wang 1951, yang dalam Akta ini disebut “Ordinan itu”, adalah dipinda dengan memasukkan perkataan-perkataan “, and such exemption may be granted retrospectively” selepas perkataan “Ordinance” dalam perenggan itu, dan perenggan tersebut sebagaimana dipinda hendaklah sentiasa disifatkan sebagai sebahagian integral daripada takrif “moneylender” dari tarikh mula berkuatkuasanya Ordinan itu sehingga sebaik sahaja sebelum bermulanya pemotongan perenggan (e) tersebut melalui seksyen 3 (1) Akta ini.

Pindaan seksyen 2 secara kebelakangan berkuatkuasa sehingga pindaan ke atasnya melalui seksyen 3 (1) Akta ini. Ord. P.T.M. 42/51.

3. (1) Seksyen 2 Ordinan itu adalah dipinda dengan memotong daripada takrif “moneylender” perkataan-perkataan “but does not include” dan perenggan-perenggan (a), (b), (c), (d) dan (e).

Pindaan seksyen 2 dan kecualian.

(2) Apa-apa pengecualian daripada peruntukan-peruntukan Ordinan itu yang diberikan sebelum berkuatkuasanya Akta ini di bawah perenggan (e) tafsiran “moneylender” dalam seksyen 2 Ordinan itu sebagaimana dipinda oleh seksyen 2 Akta ini hendaklah, jika pengecualian itu masih berkuatkuasa sebaik sahaja sebelum mula kuatkuasanya itu, terus berkuatkuasa mengikut terma-termannya mulai dari tarikh ia diberikan, sama ada diberikan secara kebelakangan atau selainnya.

Seksyen
baru 2A.

4. (1) Ordinan itu adalah dipinda dengan memasukkan selepas seksyen 2, seksyen baru 2A seperti berikut:

“Non-appli-
cation of
Ordinance
and
exemption
therefrom.

2A. (1) This Ordinance shall not apply to—

- (a) any authority or body established, appointed or constituted by any written law, including any local authority;
- (b) any co-operative society registered under the Co-operative Societies Act 1948;
- (c) any bank licensed under the Banking Act 1973 or under the Islamic Banking Act 1983;
- (d) any insurance company licensed under the Insurance Act 1963;
- (e) any company licensed under the Takaful Act 1984;
- (f) any pawnbroker licensed under the Pawnbrokers Act 1972;
- (g) any finance company licensed under the Finance Companies Act 1969; or

Act 287.

Act 102.

Act 276.

Act 89.

Act 312.

Act 81.

Act 6.

- (h) any person *bona fide* carrying on any business not having for its primary object the lending of money in the course of which and for the purposes whereof he lends money.

(2) The Minister may—

- (a) in consideration of the special circumstances relating to the nature of the business of any company, or the objects of any society, and its financial standing; and
- (b) if he is satisfied that it would not be contrary to the public interest to do so,

by notification in the *Gazette* exempt such company or society from all or any of the provisions of this Ordinance, and such exemption shall be granted for such duration as may be specified in the notification, and may be made subject to such limitations, restrictions or conditions as the Minister may specify in the notification.

(3) The Minister may at any time revoke any exemption granted by him under subsection (2) if he is satisfied, after giving the company or society concerned an opportunity to be heard, that the company or the society, as the case may be, has failed to observe any limitation, restriction or condition subject to which the exemption was granted, or that it is otherwise no longer suitable to continue to be granted exemption.”.

(2) Orang-orang yang baginya Ordinan itu tidak terpakai melalui subseksyen (1) seksyen baru 2A yang dimasukkan ke dalam Ordinan itu melalui subseksyen (1) seksyen ini hendaklah sebelum mula berkuatkuasanya Akta ini sentiasa disifatkan sebagai telah termasuk dalam kalangan orang yang tidak

termasuk dalam takrif "moneylender" dalam seksyen 2 Ordinan itu sebagaimana yang terdapat dalam takrif tersebut sebelum mula berkuatkuasanya Akta ini.

HURAIAN

Rang Undang-Undang ini bertujuan meminda Ordinan Pemberipinjam Wang 1951.

2. *Fasal 2* Rang Undang-Undang ini bertujuan meminda perenggan (e) takrif "moneylender" sebagaimana yang terdapat sebelum mula berkuatkuasanya Akta yang dicadangkan ini bagi memperuntukkan pengecualian daripada peruntukan-peruntukan Ordinan itu diberikan oleh Menteri secara kebelakangan. Perenggan (e) tersebut sebagaimana dipinda adalah disifatkan sebagai sebahagian integral daripada takrif "moneylender" dari tarikh mula berkuatkuasanya Ordinan itu sehingga sebaik sahaja sebelum mula berkuatkuasanya permotongan perenggan (e) tersebut melalui *fasal 3 (1)* Rang Undang-Undang ini.

3. *Fasal 3 (1)* Rang Undang-Undang ini bertujuan meminda takrif "moneylender" dalam seksyen 2 Ordinan itu dengan memotong perenggan-perenggan (a), (b), (c), (d) dan (e) dalam takrif tersebut yang menyenaraikan orang-orang dan badan-badan yang tidak termasuk dalam takrif "moneylender".

Fasal 3 (2) Rang Undang-Undang ini adalah peruntukan kecualian peralihan yang menguatkuasakan mengikut termanya mana-mana pengecualian yang diberikan di bawah perenggan (e) takrif "moneylender" sebagaimana yang dipinda melalui *fasal 2* Rang Undang-Undang ini, sama ada pengecualian itu diberikan secara kebelakangan atau selainnya.

4. *Fasal 4 (1)* Rang Undang-Undang ini bertujuan memasukkan seksyen baru 2A ke dalam Ordinan itu. Subseksyen (1) seksyen baru 2A menyenaraikan orang-orang yang kepadanya Ordinan itu tidak terpakai. Subseksyen (2) seksyen baru 2A memberi kuasa kepada Menteri untuk mengecualikan mana-mana syarikat atau pertubuhan daripada peruntukan-peruntukan Ordinan itu dengan memandangkan hal keadaan yang istimewa berhubungan dengan perniagaan syarikat itu, atau tujuan-tujuan pertubuhan tersebut, dan kedudukan kewangannya, dan jika ia berpuas hati bahawa adalah tidak bertentangan dengan kepentingan awam untuk berbuat demikian. Pengecualian itu hendaklah diberikan melalui pemberitahuan dalam *Warta* dan hendaklah bagi jangka masa yang dinyatakan dalam pemberitahuan itu. Pengecualian itu boleh

diberikan tertakluk kepada had-had, sekatan-sekatan atau syarat-syarat yang dinyatakan dalam pemberitahuan itu. Subseksyen (3) seksyen baru 2A memberi kuasa kepada Menteri untuk membatalkan apa-apa pengecualian yang diberikan kepada mana-mana syarikat atau pertubuhan bagi apa-apa kegagalan mengikut apa-apa had, sekatan atau syarat, yang dikenakan dalam pemberitahuan itu, atau jika tidak lagi sesuai selainnya untuk terus diberikan pengecualian, tetapi hanya selepas diberikan peluang untuk didengar.

Fasal 4 (2) Rang Undang-Undang ini bertujuan membuat peruntukan supaya orang-orang yang baginya Ordinan itu tidak terpakai melalui subseksyen (1) seksyen baru 2A yang dicadangkan, hendaklah sentiasa disifatkan sebelum mula berkuatkuasanya Akta yang dicadangkan ini, sebagai telah termasuk dalam kalangan orang yang tidak termasuk dalam takrif "moneylender" sebagaimana yang terdapat sebelum mula kuatkuasa tersebut.

IMPLIKASI KEWANGAN

Rang Undang-Undang ini tidak akan melibatkan Kerajaan dalam apa-apa perbelanjaan wang tambahan. [PN. (U³) 1451.]